



Il mas-chalch da Sent

Publicaziuns officialas. Cumpara seguond bsögn.

2006/2008

no. 30

7554 Sent, 26 avrigl 2007 / mw

Scumond da fö official!

Absolutes Feuerverbot in ganz Graubünden!

Das Amt für Wald warnt vor einer grossen Gefahr von Wald- und Flurbränden in ganz Graubünden. Seit mehreren Wochen hat es nicht mehr ausgiebig geregnet. Das sehr milde Frühlingwetter und die Trockenheit der letzten Wochen haben zu einer starken Austrocknung der Böden und Vegetationsschicht geführt. Durch unvorsichtigen Umgang mit Räumungsfeuern in der Landwirtschaft, Raucherwaren und Feuerstellen sind in den vergangenen Wochen immer wieder Brände entfacht worden, die nur dank dem schnellen Einsatz der Feuerwehren frühzeitig gelöscht werden konnten.

Es ist in ganz Graubünden absolut verboten, im Wald und in Waldesnähe Feuer zu entfachen. Raucherwaren und Feuerzeuge dürfen keinesfalls sorglos weggeworfen werden. Das Verbot gilt auch für festeingerichtete Feuerstellen im Wald und in Waldesnähe. Eine Entspannung der Lage ist erst nach intensiven Regenfällen zu erwarten. Kurze Regenschauer und Gewitter vermögen die brenzlige Situation nicht genügend zu entschärfen.

Gemeinderat Sent

Publicaziun da fabrica

Reguarda:	Isolaziun e renovaziun dal tet, Plazzetta 24, parcella no. 384
Patrun da fabrica:	Jann Plasch, Plazzetta 24, 7554 Sent
Profilà:	18.04.2007
Publicaziun:	26.04.2007
Termin da protesta:	16.05.2007

Publicaziun da fabrica BAB

Reguarda:	Ingrondimaint stalla existenta e platta da beton per l'aldüm, Tuffera 297D, parcella no. 742
Patrun da fabrica:	Iertavels Jachen Müller-Mayer, 7554 Sent
Profilà:	31.03.2007
Publicaziun:	26.04.2007

Publicaziun da fabrica BAB

Reguarda:	Müdar il traget, planar ed allontanar crappa sün la part sura dal traget, Pista dal Sömmi
Patrun da fabrica:	Pendicularas Scuol-Ftan-Sent SA
Profilà:	--
Publicaziun:	19.04.2007
Termin da protesta:	09.05.2007

Edizium: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Chaplinas per ir cul velo, trottnet o cull' assa cun roudas

Stimats genituors

minch' on daja tenor la SUVA 27'000 accidaints cun velos, 40 morts, 1'400 feridas dal cheu. Quai nu sto esser! Portar üna chaplina redüa las feridas dal cheu per 70% !!!

La responsabilità sül viadi da scoula portan ils genituors! No giavüschain chi vegn portà chaplina per ir cul velo, cul trottnet o cull' assa cun roudas.

Il cussagl da scoula

Liber da far romma

A partir da **sonda, 28 avrigl 2007** esa liber da far legna sün tuot il cuntegn da god. **Exclus es il tagl actual dal Munt.** Tuot ils retagls suot 3 m. lunghezza pon gnir rumits. Per plaschair rumir l'ultim romma e frunzla our da las vias.

Il silvicultur

Placas da velos e töffins

A partir da subit as poja retrar placas per velos e töffins d'ürant las uras da büro. La placa pel velo cuosta frs. 6.00. Las placas pels töffins cuostan frs. 48.20 al toc.

Pulizia cumünala

Sent Keramica

Avertüra

In **marcurdi, ils 16 mai 2007, a partir da las 14.00**, ha lö l'avertüra da nossa butia ed exposiziun da keramica illa chasa nr. 159A, Plaz, Sent. Vendü vain vaschella ed ogets d'art fats da Friedel e Chris Brown. No'ns allegrain sün Vossa visita.

Uras d' avertüra:

14.00 - 17.00


Deponia La Fuorcha – avertüra ufficiala

A partir da quista publicaziun es la deponia La Fuorcha darcheu averta. La clav da la deponia La Fuorcha as po retrar d'urant las uras da fanestrigl i'l büro cumünal.

1. Tenor las directivas da la PEB chi's basan sül art. 26 da la ledscha chantunala per l'allontanamaint d'arüd (AbG), esa admiss da depositar sülla **deponia cumünala** be **material net da s-chav, roba da üert e frus-chaglia** cunter üna taxa da fr. 7.-- per m3.
2. **Tuots oters materials** sun da depositar sülla **deponia regionala Sot Ruinas a Scuol**.
3. I das-cha gnir deponà be material dal territori dal cumün da Sent fin maximal 100 m3.
4. Il quantum e che material chi vain manà sülla deponia es d'indichar in büro cumünal.
5. **Privats** pon depositar **gratuitamaing** fin **5m3** material net da s-chav o roba da üert e frus-chaglia, **l'on**.
6. Pro'l deposit da gronds quantums da material da s-chav esa da contactar **ouravant** cul respunsabel, Jachen Andri Schmidt.

Il Cussagl cumünal

la grupp d'interess "ballarait beach" tschercha sustegn finanziar



Stimada populaziun da Sent ■ = 50.- fr.
 Als 22 da november dal 2006 ha la radunanza cumünala acceptà ün credit per realisar la prüma etappa dal proget "plazzal da sport". In quist proget manca però la plazza da "ballarait-beach". Cun quai cha'l gö dal ballarait es daspö bundant 25 ons il sport "naziunal" da nos cumün es il giavüschi da pudair realisar eir üna tala plazza evidaintamaing grond.

Cuosts: 50'000.-fr.
 La grupp d'interess fa quint cullas seguintas entradas:
 aignas prestaziuns: 10'000.-fr.
 differentas activitats (marchà d'utuon, lotto ...) 10'000.-fr.

Per pudair finanziar il vanz da 30'000.-fr. ans permettaina da'ls dumandar üna contribuziun vi da quel import. La situaziun actuala da las donaziuns vain publichada regularmaing aint ils prossems mas-chalchs e suot www.sent-online.ch. (Id es eir pussibel da restar anonim.)

No ingrazchain cordialmaing. per la grupp d'interess
 la suprastanza: Dumeng Jann, Rico Zini, Marianne Werro, Andri Guler, Mario Riatsch, Andri Gritti

Palatini AG	1'000.-fr. + diff. lavurs	Annursina e Rico Zini	50.-fr.
Firma Radiar (Sedlacek)	1'000.-fr.	Marianne e Claudio Werro	50.-fr.
ÖKK	300.-fr.	Fundaziun Giovannina Bazzi-Mengiardi	5'000.-fr.
Vre e Roberto Bertschinger	100.-fr.	Patrizia e Mario Tschalär	50.-fr.
Iris Zürcher	100.-fr.	Annatina e Martin Noggler	50.-fr.
Flurina e Dumeng Jann	100.-fr.	Seraina e Mario Riatsch	50.-fr.
Celltec AG	700.-fr.	Brigitte e Christian Werro-Roth	100.-fr.
Ladina e Valentin Guler	100.-fr.	Sara ed Artur Noggler	75.-fr.

CH34 0077 4010 0015 7430 0 **nr. conto: 70-216-5**
Grupp d'interess plazza-beach Sent stadi actual: 8'825.-fr.



Invid a la prüma radunanza generala in sonda, als 28 avrigl 2007 a las 20.15h aint illa Grotta da cultura

Avant circa ün on vaina fondà a Sent la società Grotta da cultura. Davo üna festa da stà cun ün inchant d'ouvras d'art in avuost da l'on passà e davu lavurs da renovaziun extaisas vaina pudü inaugurar la grotta aint il plan suot da l'hotel Rezia. Rapreschantaziuns da teater e da film, concerts, prelecziuns, discussiuns, sairadas da schach, cuors, exposiziuns ed oters evenimaints han pisserà cha la grotta es dvantada ün lö d'inscunter cultural per nos cumün, ün lö chi vain frequentà regularmaing. Passa 80 commembras e commembers, diversas faaturas e fauteurs han sustgnü finanziaimaing nos intent, uschè cha quel es stat ün success.

Tractandas:

- Saliüd
- Tscherna dals scrutinadurs
- Rapport dal president
- Rendaquint e rapport dals revisurs
- Fixar la contribuziun annuala
- Statüts e müdamaints da statüts
- Tschernas da la suprastanza
- Program da l'on
- Varia

Ils statüts pon gnir s-chargiats da l'internet (<http://www.sent-online.ch/cultura/grotta.html>) o gnir retrats aint illa grotta o pro Sent Turissem; implü gnaran stampats ün pèr exemplars pella radunanza.

Sch'inchün vess jent da survgnir regularmaing posta electronica da las occurenzas da la grotta po'l trametter sia adressa e-mail a cultura@sent-online.ch.

Cun amiaivels salüds

La suprastanza